

大學曹智遜先生校正

孫真人備急千

金方

附張路玉先生衍義

禹山趙蘭石署



序

尚學肇於軒岐靈素諸經猶儒家之有六經歷古不磨朗若日星也長
沙張仲景紹軒岐之傳廣湯液之用功同參贊嘉惠後學自是而後代
有傳書家法相承者生至是亦如漢儒說經者立門戶庶所折衷矣石
頑張先生撰醫通一書類聚羣公博學詳說久為學者依歸又別為孫
先生千金方作衍義蓋是方之用意精妙而取法祕速文人能言之者
往往知其表未究其裏泥其迹反遺其神而時有古今地有南北又未
能權衡輕重因病制宜古人所謂允好學治思心知也意有難為淺見
寡聞道者先生精思卓識潛符古賢於是書立方之中陰陽生克君臣
配合之宜疏通滯閉不遺餘蘊俾成學之士一覽而悟有左右逢源之
樂矣有古不化之憂故名其書曰衍義昔其西山作大學衍義於板敷
誠正修齊治平推論精微窮極理要後之帝王師儒莫不奉為圭臬今

序

一

江左書林發行

先生此書發揮旁通轉語詳與真氏按述之古時毋因刊本傳世日
久漫漶於君編君校而刊之以公同志讀是書者以以流溯源由近
知遠承古學於茲微獲同好之示我其快樂為何如耶奈不敢竊願為
讀者進一解曰古人有言多聞則守之以約多見則守之以卓毋震其
表務窮其裏毋沈其迹務通其神看古人有用之書以古人濟世之妙
以拯斯人之疾苦痛癢是志蓋子所沿仁術也至諸當世仁人君子不
有樂於是與率書教語以報於君幸辱爰之乙卯季秋吳中智涵書
元恆序於蘭雪書屋



孫思邈京兆華原人也。七歲就學，日誦千餘言。弱冠喜談莊老及百家之說，兼好釋典。洛州總管獨孤信見而歎曰：「此聖童也，但恨其器大適小，難為用也。」周宣帝時，思邈以王室多故，乃隱居太白山。隋文帝輔政，徵為國子博士，稱疾不起。常謂所親曰：「過五十年，當有聖人出，吾方助之以濟人。」及太宗即位，召詣京師，嗟其容色甚少，謂曰：「故知有道者，誠可尊重。」美門廣成，豈虛語哉？將授以爵位，固辭不受。顯慶四年，高宗召見，拜諫議大夫。又固辭不受。上元元年，辭疾請歸，特賜良馬。及鄱陽公主邑司以居焉。當時知名之士，宋令文、孟說、盧照鄰等執師資之禮以事焉。思邈嘗從幸九成宮，照鄰留住其宅。時庭前有病梨樹，照鄰為賦，其序曰：「癸酉之歲，余臥疾長安，光德公之官舍。父老云：『是鄱陽公主邑司。』昔公主未嫁而卒，故其邑廢。時有孫思邈處士居之，邈道合今古，學殫數術，高談正一，則古之蒙莊子深入不二，則今之維摩詰耳。其推步甲乙，度量乾坤，則洛下閔安期先生之儔也。照鄰有惡疾，醫所不能愈，乃問思邈。名醫愈疾，其道何如？」思邈曰：「吾門善言天者，必質之於人；善言人者，必本之於天。天有四時五行，寒暑迭代，其轉運也和而為雨，怒而為風，凝而為霜，雲張而為虹霓。此天地之常數也。人有四肢五臟，一覺一寢，呼吸吐納，精氣往來，流而為榮衛，張而為氣色，發而為音聲。此人之常數也。陽用其形，陰用其精，天地之所同也。及其失也，蒸則生熱，否則生寒，結而為瘤贅，陷而為癰疽，奔而為喘乏，竭而為焦枯。診發乎面，變動乎中。推此以及天地，亦如之。故五緯盈縮，星辰錯行，日月薄蝕，

亭華飛流。天地之危診也。寒暑不時。天地之蒸否也。石立土踊。天地之癩贅也。山崩土陷。天地之癰疽也。奔風暴雨。天地之喘乏也。川瀆涸竭。天地之焦枯也。良醫導之以藥石。救之以針劑。聖人和之以至德。輔之以人事。故形體有可愈之疾。天地有可消之災。又曰。膽欲大而心欲小。智欲圓而行欲方。詩曰。如臨深淵。如履薄冰。謂小心也。趙武夫。公侯干城。謂大膽也。不為利回。不為義疚。行之方也。見幾而作。不俟終日。智之圓也。思邈自云。開皇己酉歲生。至今年九十有三矣。詢之鄉里。咸云數百歲人。話周齊間事。歷歷如眼見。以此參之。不啻百歲人矣。然猶視聽不衰。神采甚茂。可謂古之聰明博達不死者也。初魏徵等受詔修齊梁陳周隋五代史。訪有遺漏。屢詢之。思邈口以傳授。有如目觀。東臺侍郎孫處約。將其五子。佺儻俊佑。佺以謁思邈。思邈曰。俊當先貴。佑當晚達。佺最名重。禍在執兵。後皆如其言。太子詹事盧齊卿童幼時。請問人倫之事。思邈曰。汝後五十年。位登方伯。吾孫當為屬使。可自保也。後齊卿為齊州刺史。思邈孫溥果為徐州蕭縣丞。思邈初謂齊卿之時。溥猶未生。而預知其事。凡諸異跡。多此類也。永淳元年。卒。遺令薄葬。不藏冥器。祭祀無牲牢。經月餘。顏貌不改。舉屍就木。猶若空衣。時人異之。自注老子莊子。撰千金方三十卷。行於代。又撰福緣論三卷。攝生真錄及抗中素書會三教論各一卷。子行天授中為鳳閣侍郎。

白云生天開皇乃托辭也。如果生於隋何周宣帝時便以王室多故隱居太白山耶。

夫清濁剖判上下攸分三才肇基五行倣落萬物淳朴無得而稱燧人氏出觀斗極以定方名始有火化伏羲氏乃因之而畫八卦立庖廚滋味既興疴瘵萌起大聖神農氏憇黎元之多疾遂嘗百藥以救療之猶未盡善黃帝受命創制九針與方士岐伯雷公之倫備論經脈旁通問難詳究義理以為經論故後世可得依而暢焉春秋之時良醫和緩六國之時則有扁鵲漢有仲景倉公魏有華陀並皆探蹟索隱窮幽洞微用藥不過二三灸炷不逾七八而疾無不愈者晉宋以來雖復名醫間出然治十不能愈五六良由今人嗜欲太甚立心不常淫放縱逸有闕攝養所致耳余緬尋聖人設教欲使家家自學人人自曉君親有疾不能療之者非忠孝也末俗小人多行詭詐倚傍聖教而為欺給遂令朝野士庶咸耻醫術之名多教子弟誦短文構小策以求出身之道醫治之道闕而弗論吁可怪也嗟乎深乘聖賢之本意吾幼遭風冷屢造醫門湯藥之資罄盡家產所以青衿之歲高尚茲典白首之年未嘗釋卷至於切脈診候採藥合和服餌節度將息避慎一事長於己者不遠千里服膺取決至於弱冠頗覺有悟是以親鄰中外有疾厄者多所濟益在身之患斷絕醫門故知方藥本草不可不學吾見諸方部帙浩博忽遇倉卒求檢至難比得方訖疾已不救矣嗚呼痛天枉之多厄惜墜學之昏愚乃博采羣經刪裁繁重務在簡易以為備急千金要方一部凡三十卷雖不能究盡病源但使留意於斯者亦思過半矣以為人命至重有貴千金一方濟之德踰於此故以為名也未可傳於士族庶以貽

厥私門張仲景曰當今居世之士曾不留神醫術精究方藥上以療君親之疾下以救貧賤之厄中以保身長全以養其生而但競逐榮勢企踵權豪孜孜汲汲惟名利是務崇飾其末而忽棄其本欲華其表而悴其內皮之不存毛將安附進不能愛人知物退不能愛躬知己卒遇風邪之氣嬰非常之疾患及禍至而後震慄身居死地蒙蒙昧昧慙若遊魂降志屈節欽望巫祝告窮歸天束手受敗齎百年之壽命將至貴之重器委付庸醫恣其所措咄嗟暗悔厥身已斃神明消滅變為異物幽潛重泉徒為一悲痛夫舉世昏迷莫能覺悟自盲若是夫何榮勢之云哉此之謂也

昔神農徧嘗百藥以辨五苦六辛之味逮伊尹而湯液之劑備黃帝欲創九針以治三陰三陽之疾得岐伯而針艾之法精雖大聖人有意於拯民之瘼必待賢明博通之臣或為之先或為之後然後聖人之所為得行於永久也醫家之務經是二聖二賢而能事畢矣後之留意於方術者苟知藥而不知灸未足以盡治療之體知灸而不知針未足以極表裏之變如能兼是聖賢之蘊者其名醫之良乎有唐真人孫思邈者乃其人也以上智之材抱康時之志當太宗治平之際思所以佐迺后庇民之事以為上醫之道真聖人之政而王官之一守也而迺祖述農黃之旨發明岐擊之學經撮扁鵲之難方採倉公之禁仲景黃素元化綠帙葛仙翁之必效胡居士之經驗張苗之藥對叔和之脉法皇甫謐之三部陶隱居之百一自餘郭玉范汪僧垣阮炳上極文字之初下訖有隋之世或經或方無不採摭集諸家之所秘要去衆說之所未至成書一部總三十卷目錄一通臟腑之論針灸之法脉證之辨食治之宜始婦人而次嬰孺先脚氣而後中風傷寒癰疽消渴水腫七竅之疴五石之毒備急之方養性之術總篇二百三十二門合方論五千三百首莫不十全可驗四種兼包厚德過於千金遺法傳於百代使二聖二賢之美不墜於地而世之人得以階近而至遠上識於三皇之奧者固孫真人善述之功也然以俗尚險怪我道純正不迷刻腹易心之異世務徑省我書浩博不可道聽塗說而知是以學寡其人寢以紛靡賢不繼世簡編斷缺不知者以異端見黜好之者以闕疑輟功恭維我朝以好

生為德以廣愛為仁迺召儒臣正是陸學臣等述謝多通職專典校於是請內府之秘書探道
藏之別錄公私衆本搜訪幾遍得以正其訛謬補其遺佚文之重複者削之事之不倫者緝之
編次類聚期月功至綱領雖有所立文義猶或疑阻是用端本以正末如素問九墟靈樞甲乙
太素巢源諸家本草前古脈書玉函金匱肘後備急謝士秦刪繁書劉涓子鬼遺論之類事關
所出無不研核尚有所闕而又泝流以討源如五鑿經千金翼崔氏纂要延年祕錄正元廣利
外臺祕要兵部手集夢得傳信之類凡所派別無不考理互相質正反覆稽考然後遺文疑義
煥然悉明書雖是舊用之維新可以濟含靈禪明聖好生之治可以傳不朽副主上廣愛之心
非徒為太平之潤色實可佐皇極之錫福校讎既成繕寫伊始恭以上進庶備親覽太子右贊
善大夫臣高保衡尚書都官員外郎臣孫奇尚書司封郎中充祕閣校理臣林億尚書工部侍
郎兼侍講臣錢象先等謹上

耀州古華原地昔有孫子思邈者古逸民之儔也乃避亂於周徵召於隋唐間皆不仕但以方藥濟人其所謂不為良相則為良醫者歟乃後道流目之為真人醫家宗之為名醫史家列於唐書方技傳中嗚呼豈真知孫子者哉觀孫子言天必質之於人言人必本之於天及以臨深履薄為小心以不為利回義疚為行方以見幾而作為智圓方技之學諒不及此至論聖人和以至德輔以人事則天地之災可消學者取之以注於虞書水火金木土穀惟修中庸天地位育之文之下斯精粹不易之言考之漢宋諸儒釋經率未及是是可以方技言耶惜當時無中和之主使贊天地之化育固孫子之不幸亦世道之可悲也孫子著有千金方三十卷其方首療婦人無子次妊娠次轉女為男次生產次活幼次男子老人諸方凡針灸導引養性攝生之方無不備焉余見古今醫方有序者率不逮是其間每卷有救急單方窮鄉下邑藥物鮮有之所倉卒用之尤便其以千金名方蓋謂一方之價抵千金焉耳或謂不然殊不知崇高之人偶得危疾得是方以全之則中流一壺豈足喻耶孫子之徒嘗刊是方於華表石上鑿之鑑山之下漆沮合流路隅使人覽且抄也今石存而方失州人傳說為某醫生所毀後其家遭雷禍方亦不存夫孫子著方志在濟世仁人之心亦天地好生之心也彼專利之徒乃毀之其不仁甚矣天譴而雷震之豈非理耶自夫斯方之毀也世醫所常用者惟袖珍方及東垣李氏丹溪朱氏方耳孫方之流傳者惟汗吐下三方及救急單方命曰海上仙方存於他山之石餘方湮晦

所幸道家者流乃錄於道藏書中尚無恙焉余承乏吏部日嘗抄是方傳之二三五友朋一日先
妻張氏得效嗽吐血疾求醫療之無效乃手檢斯方用之服所合四分之一頓愈他日至京師
遇王生者乃貧交也忽衣輕策肥訝而詢之曰久科不第得千金方而易業濟人有奇效故日
用稍裕異疇昔耳乃心寶斯方欲廣傳之未能也今萬石喬氏乃梓而傳之非孫子勒方華表
意耶今而後斯方之傳其廣矣夫喬氏嘗積穀數萬石歲薄取其息以濟飢人故遠邇歸德以
萬石君稱萬石君長子世寧中嘉靖戊戌進士由南京戶部郎中陞四川按察司僉事次子世
定明農相萬石君世定嘗患傷寒疾醫診療之六脈已結而絕將屬續以待殮矣萬石君暨僉
事暨闔家之人祈佑於孫子之前矢以疾愈即梓傳神方於世祈畢診之六脈俱應手至數日
愈孫子有故居在鑑山畔有洞在麓今皆為奉祀所矣俱道士主之先是有痿痺人或扶杖而
來或人負而至祈佑於神眠於洞中輒夢神治療醒即舍杖而歸釋負而去以故鑑山香火於
關中為盛雖華嶽吳鎮弗逮焉萬石君因僉事在地官日抄獲是方至是捐三百金刊之而送
於神所俾道士以方藥施人嗟乎萬石君父子用心誠神之心哉受是刻者誠體厥心懼神之
監鑑雷震者之禍用每歲神所祈者報者之財分作四分一分易紙印方施人一分依方合藥
療病一分濟之鰥寡孤獨人餘以奉神自給斯神惠廣布神人胥悅其感應又可勝言也耶抑
又聞之禱疾而愈者悉善人有過而能改者神亦祐之夫抱疾而禱者其戒之哉其戒之哉

易云眇能視跛能履明乎非所能而自以為能不自知其才德之兼絀也余自慙固陋乏經國濟世之略生遭世變瑣尾流離迨永清大定而後章句荒落株守蓬廬惟有軒岐性命之學日尋繹焉而不倦時吾里有李瑾懷茲者與余為膠漆契博聞強記潛心醫學君子人也所可議者務博而不知所宗淺涉而未探窾奧嘗與之究玉函金匱及千金方一書非不有識堪資而求所謂愜心貴當尚有憾焉深歎述古之難如昌黎所云補苴罅漏張皇幽眇洵非末學所可幾也夫長沙為醫門之聖其立法誠為百世之師繼長沙而起者惟孫真人千金方可與仲聖諸書頡頏上下也伏讀三十卷中法良意美聖護洋洋其辯治之條分縷晰製方之反激逆從非神而明之其孰能與於斯乎余自束髮授書以來即留心是道曩所輯續緒二論及醫通一十六卷付梓行世深歎學識迂疎僅可為後學自適自卑之一助迄今秦榆在望高欲作蜚螭不朽亦自愚矣而此書不為之闡發將天下後世竟不知有是書深可懼也因不揣愚昧彙取舊刻善本參互考訂逐一發明其中反用激用之法貫串而昭揭之其於針灸一門闕以俟專家補之俾學者開卷了然胸無窒礙照宋刻本仍隸三十卷倣趙以德敷衍金匱之義又殊倣敷衍成文爰名曰千金方衍義後之君子有以討論修飾授之剞劂亦斯書之幸甚余不學無術老無思索意之所致信筆成書殆所謂眇之能視不足有以明跛之能履不足以與行也

康熙歲次戊寅十一月既望八十二老人石頑張璐路玉序

千金要方卷之九
五
民國四年石印

余不知醫。而先世家藏秘方。頗能活人。故凡遇醫方之良者。必購而藏之。歲庚戌。新安程翁瘦樵。以千金方行義授予。曰。斯編絕業也。自唐迄明。綿歷千餘載。無有能闡發其奧蘊者。故庸醫袖手。咋舌吐棄。而不取用。賢者用之。而反為世所詬病。其不至湮泯而無傳也。亦幾矣。張子路玉者。良工也。生平服膺是編。數十年不輟。晚年始有定本。未及刊行。今觀其書於逆從反激之法。探蹟索隱。深究而詳說之。又援引本經甄權英華之主治。以祛世俗之惑。其於用藥之過於峻利者。則又斟酌於南北風氣資稟之強弱而消息之。是書之作。實足以發蒙振聵。必傳於後無疑也。程翁精於岐黃者也。其言豈欺我哉。爰為訂其訛補其闕而付之梓。嘉慶庚申桂月之望南沙席世臣識。

論大醫習業第一

論大醫精誠第二

論治病略例第三

論診候第四

論處方第五

論用藥第六

論合和第七

論服餌第八

論藥藏第九

卷二 婦人方上 凡九類

求子第一

論六首

七子散

朴硝盪胞湯

紫石門冬圓

白薇圓 三方

慶雲散

承澤圓

大黃圓

吉祥圓

秦椒圓

丹參圓

灸法

餘方無名者俱散見本類後做此

妊娠惡阻第二

論二首

半夏茯苓湯

茯苓圓

青竹茹湯

橘皮湯

養胎第三

論二首

艾葉湯

茯神湯

阿膠湯

柴胡湯

芍藥湯

猪腎湯

千金圓

妊娠諸病第四

葱白湯

馬通湯

香豉湯

產難第五

烏雌雞湯

黃連湯

菊花湯

安中湯

葱白湯

葵子湯

丹參膏

蒸大黃圓

旋覆花湯

膠艾湯

鯉魚湯

補胎湯

雄雞湯

調中湯

麥門冬湯

杏仁湯

半夏湯

甘草湯

滑胎令易產方

竹瀝湯

蟹爪湯

灸法

論一首

逆生第七

論一首

胞胎不出第八

牛膝湯

下乳第九

鍾乳湯

石膏湯

甘草散

卷三 婦人方中 凡八類

虛損第十

論一首 二條

石斛地黃煎

羊肉黃芪湯

真珠湯

方皆無名不錄後做此

漏蘆湯

麥門冬散 二方

鯽魚湯

漏蘆散

鬼箭湯

四順理中圓

地黃羊脂煎

鹿肉湯

桃仁煎

地黃酒

麋骨湯

當歸芍藥湯

杏仁湯

乳蜜湯

五石湯

三石湯

內補黃芪湯

吳茱萸湯

猪膏湯

鯉魚湯

桂枝附子湯

虛煩第十一

薤白湯

竹根湯

人參當歸湯

甘竹茹湯

知母湯

竹葉湯

淡竹茹湯

赤小豆散

蒲黃散

蜀漆湯

芍藥湯

中風第十二 附虛心驚悸

論一首

大豆紫湯

小獨活湯

甘草湯

獨活紫湯

雞糞湯

竹葉湯

獨活湯

鹿肉湯

獨活湯

防風湯

大豆湯